

Dienelkander



Nuusbrief van die Gereformeerde Kerk Potchefstroom-Oos

2 Februarie 2025

2025 Bedieningstema en bedieningsdoelwitte:

Lewe in ooreenstemming met die evangelie van Christus. Fil. 1:27

Ons neem vanjaar hierdie woorde as ons oorhoofse tema om vanuit hierdie teks die Woordbediening so te rig dat ons as gemeente vanjaar die **volgende 3 doelwitte** kan bereik:

1. Om elke lidmaat **te betrek by God se werk** – om God se werk: die evangelie van Christus in sy volle rykdom en diepe betekenis te bedien.
2. Om elke lidmaat **toe te rus om God se werk te doen** – toerusting sodat ons “in volkome eensgesindheid standvastig saamstry vir die geloof in die evangelie en nie deur teenstaanders laat afskrik nie”.
3. Om elke lidmaat **aan die werk te kry** – betrokke en besig met God se werk – God het ons die voorreg gegee om Hom te dien, maar ook om vir Hom te ly.

09:30 OGGENDDIENS: Ds Piet Venter

Ons kyk vandag dieper na die begrip “evangelie” en ontdek die Ou Testamentiese

wortels van hierdie “goeie nuus/blye boodskap” uit die boek Jesaja. Die selfstandige naamwoord “evangelie” kom slegs 6 keer in die Ou Testament voor as “goeie nuus” wat van die slagveld gebring word, maar het in daardie konteks nie dieper geestelike betekenis nie. Die werkwoord “om goeie nuus aan te kondig / te bring” of om “draer van goeie nuus te wees” kom egter voor en vorm die Ou Testamentiese wortels van ons jaartema se teksvers se “evangelie van Christus”.

Die profeet Jesaja word aangestel om die aankondiger van hierdie goeie nuus van God se troos en hoop vir die volk te wees. Die volk was toe reeds lank in ballingskap en moedeloos in die hopelose situasie waarin hulle beland het as gevolg van hulle sonde! Maar nou kom God se evangelie-nuus: uitkoms, troos en hoop!

Jesaja is die draer daarvan maar Jerusalem word ook opgeroep om die goeie nuus te vertel sodat selfs die omringende volke eendag die goeie nuus sal kan verkondig! Hierdie uitkoms, troos en hoop is in Christus vervul en is steeds vandag ons “uitkoms, troos en hoop”!

Tema: Die evangelie is God se uitkoms, troos en hoop vir moedelse mense!

Lofsang ter voorbereiding van die erediens

Lied 199: 1, 2 en Lied 464: 1, 3

God en ons ontmoet mekaar

Intreelied: Lied 169: 1, 2; Votum; Seën; Loflied Sb. 3-3: 1, 2, 3, 5, 6; Geloofsbelydenis: HK Sondag 1

Ons verootmoedig ons voor God

Wet uit Eksodus 20; Sing Ps. 130-1: 1, 2, 3 (Derde melodie); Gebed.

God bedien aan ons sy Woord en ons ontvang dit aktief in geloof

Skriflesing: Jesaja 40: 1 - 11,
Jesaja 52: 1 - 10 en
Jesaja 61: 1 - 3

Teksvorse: Jesaja 40: 1, 9 - 11.

Sing Lied 258: 1, 2; Woordverkondiging

Ons antwoord op die Woordbediening

Sing Ps. 146 -1: 1, 5, 6; Gebed; Sing Ps. 147 - 1: 1, 2 ; Seën; Amenlied: Sb 13-2.

AANDDIENS: Ds. Piet Venter

Tema: Groot genade bring groot verantwoordelikheid mee.

Lofsang met die oog op die erediens

Sb. 1-6: 1, 3

God en ons ontmoet mekaar

Intreelied: Ps. 119 – 2: 26; Votum; Seën; Loflied Ps. 100-1: 1, 2, 3, 4; Gebed

God bedien aan ons sy Woord en ons ontvang dit aktief in geloof

Skriflesing: Josua 21: 43 – 45 en
Josua 23: 1 - 16

Fokusverse: Josua 23: 11 - 13

Sing Ps. 40 – 1: 3, 4; Woordverkondiging.

Ons antwoord op die Woordbediening

Gebed; Sing Sb. 14 – 1: 1, 2; Seën; Amenlied: Sb 13-3.

 **Januarie 2025** 

Filippense 1:27: *“Hoofsaak is dat julle lewenswandel in ooreenstemming met die evangelie van Christus moet wees. As ek dan kom, sal ek self sien, of as ek nie kan kom nie, sal ek deur berigte hoor dat julle in volkome eensgesindheid standvastig saamstry vir die geloof in die evangelie.”*

Paulus is baie bly die gelowiges in Filippi het die evangelie lief. Paulus sê hulle moet die evangelie uitleef.

Hoe leef hulle dit uit?

Hy gee 'n patroon: julle, en daarom ons, moet Christus se gesindheid navolg (Fil. 2:5). Christus het Homself verneder, Sy Vader het Hom gevra om ander klere aan te trek, die klere van 'n mens, 'n bediende. Hy verneder Homself nog meer deur te sterf aan 'n kruis. Dan verheerlik God Hom.

Sy gesindheid is dit: Wie homself verneder sal verhoog word!

Dit is die patroon waarvolgens ons moet werk: wees nederig! Christus het ALLES in ons/my plek gedoen. Ons is seker van die ewige lewe. Hy werk nou nog in my om my gereed te kry vir Sy koms. En Hy gebruik my. Ek moet saamwerk in my eie voorbereiding (Sy Woord goed leer ken, Sy Woord lees, luister na preke, podcasts, kleingroep bybelstudie, voortdurend bid).

Die patroon is: verneder jouself/myself. Ek moet 'n ander altyd hoër ag as myself.

Ek mag nie met gevoude arms sit nie. Werk volgens Christus se patroon. Dien God, dien jou naaste in nederigheid - by die skool, universiteit, die kerk, by jou werkplek, waar jy

speel of ontspan en waar jy kuier. God sal jou op Sy tyd verhoog.

Bid: Here, ek bid dat U my help om U Seun, Jesus Christus, se patroon van diens na te volg. Lei my om U in alles eerste te stel en om my naaste in nederigheid te dien, of dit by die skool, universiteit, werkplek, in my gemeente, ontspanningsplekke of in geselskap met ander is. Help my om U liefde en genade uit te leef waar ek ook al gaan, sodat U Naam verheerlik kan word. Gee my die geloof en geduld om te vertrou dat U my op U tyd sal verhoog, volgens U wil en plan. Amen.

Oorsig: Filippense –
<https://bibleproject.com/Afrikaans/>

MEELEWING

- Veronica van Wyk se rugoperasie om 'n gebreekte werwel te herstel, het goed afgeloop.
- Hardus Kruger het in Pretoria 'n baie omvattende rugoperasie ondergaan en herstel nog in die hospitaal.
- Riekie Schutte is in Medikliniek opgeneem vir toetse en behandeling.
- Corrie du Plessis (Dawie se moeder) was in Medikliniek opgeneem om verskeie pynblokinspuitings in haar rug te ontvang. Alles het goed afgeloop.
- Evelyn Schutte se kleindogter Ade-line du Preez, ly aan 'n seldsame bloedsiekte wat maak dat sy maklik bloei en sy moet baie duur intensiewe behandeling ontvang om hierdie lewensgevaarlike toestand te behandel. Indien iemand dalk 'n bydrae tot die behandeling wil maak, gaan na www.backabuddy.co.za/campaign/helpin-g-ade-line.

- Adele Delpont se ma was ook in die hospitaal opgeneem vir toetse en behandeling en sterk nou tuis aan.

Ons bid al hierdie lidmate troos en beterskap toe in hierdie beproewings.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Estette Bredenkamp, Kitty Kruger, Annatjie Duvenage, Bettie Niemand, Rita Schutte, Marianna Kruger en Marianna du Plessis.

ONS GROET

- Judy Gouws wat met attestaat vertrek na GK Ventersdorp.

BAIE GELUK

Esmari Rood het gister in die huwelik getree met Anton Grobbelaar. Ons wens hulle alles wat mooi is toe. Hulle is in Klerksdorp gevestig. Geluk ook aan ma Erika met jou dogter se huwelik.

BEDIENINGE VAN HIERDIE WEEK

Vandag

09:00 Gebedsgroep
09:30 Oggenderediens
Kleuterbediening
Katkisasie: Les 2
Tee en Koffie
11:00 Diakonie Braai
18:00 Aanddiens

Maandag

17:00 Diakonie: DB

Dinsdag

06:00 Manne-ondersteuningsgroep
18:00 Katkisasie vir Gr 8 - 10

Woensdag

09:30 Bybelstudie

17:45 Naskoolse jongmense en studente:
Bybelstudie

18:00 Gr. 11 Katkisasie

Donderdag

17:15 vir 17:30 "Griefshare" (Konsistorie)

18:00 Belydenisklas - Gr 12 Katkisasie

Vrydag

Geen Jeugaand - wel op 7 Maart

AFKONDIGINGS

- Liefdegawes vandag: Diakonie (Groot boks) en Dankbaarheidsfond (Klein boks), Zapper-betaalmetode beskikbaar.
- Gawes volgende Sondag by die deure vir die GKSA: Sustentasië.
- Vrywillige bydrae vir voertuigsekuriteit kan in die bussies gegooi word.
- Diensbeurt: Groep 22 en 23.

2025 KALENDER

Ons 2025 Kalender is beskikbaar vir elke gesin. Onthou dat jy ook elektronies toegang tot die Kalender kan kry om dit met jou persoonlike kalender te integreer. Stuur net 'n e-pos aan die kerkkantoor. Baie dankie aan aan Marike Grobler (née Venter) vir die kopstukontwerp wat ons jaartema baie mooi illustreer.

NASKOOLSE JONG WERKENDES EN STUDENTE: BYBELSTUDIE

Ons nooi al ons jong werkende lidmate en studente uit om elke Woensdagaand 17:45 in Elim saam te kom kuier rondom die Woord van die Here. Zanro de Beer neem vanjaar die leiding en ons glo julle sal almal saam groei in onderlinge liefde en geloof.

VERJAARSDAE

Baie geluk aan almal wat DV hierdie week verjaar!

Maandag, 3 Februarie

Jbr AJ du Plessis

Jsr Esri Scholtz

Dinsdag, 4 Februarie

Sr Marizaan Bloem

Sr Alida Huisman *

Vrydag, 7 Februarie

Br Pierre Bruwer *

Br Willie Kruger * (van Alma)

Jbr Devonne Lazenby

Saterdag, 8 Februarie

Sr Amelia McDonald

* Lidmate met spesiale verjaarsdae –
75 jaar en ouer

GHOLFDAG: 21 FEBRUARIE

Ons nooi u om betrokke te raak by ons gholfdag hierdie jaar! Enige hulp, borge, bydrae of deelname sal baie waardeer word!

- 4 bal Koste R2000-00
- Putjie-borg R750-00 / drinkgoed

Ons beloop genoegsame blootstelling aan ons borge, sodat ons spelers en gemeentelede aangemoedig word om u besigheid te ondersteun.

Gholfdagreëlings:

- Datum: 21 Februarie 2025
- Tyd: 10:30 "Shotgun start"
- Plek: Potchefstroomse Buiteklub
- Formaat: "Better Ball Scramble drive"
- Pryse: Baie groot vleispryse en meer
- "ALLOWANCE": GEEN

Vir enige navrae kontak gerus ons gholf-organiseerders:

Ryan Bezuidenhout – 082 464 6310

Walter Plotz – 083 487 7497

Nicolaas Erasmus – 074 671 6932

KENELKANDER:

INLIGTINGSBOEKIE VAN ONSGEMEENTE

(Nederlands vir “ken mekaar”)

Ons is besig met die samestelling van ons gemeente se inligtingsboekie, Die Kenelkander 2025. Skryf asb. u naam op die bestellys in die voorportaal van die Skuur indien u ‘n harde kopie wil hê. Dit is ook elektronies beskikbaar.

Onthou ook asb om u persoonlike inligting wat verander het, aan die kerkkantoor deur te gee. Ons het ook BORGE nodig om die drukkoste so laag moontlik te hou. Enige iemand wat bereid is om as borg op te tree, kan met Adele gesels.

KENNISGEWINGBORD

- 2 Vakatures beskikbaar by Huis Eikelaan.
- Nuwe boek vir geestelike groei: “Aandgesprekke” 135 Aandgesprekke oor verskeie temas deur ds. Fanie Coetzee. Die boek bevat ook klanklêers van elke gesprek. Sien pamflet op kennisgewingbord.
- Dienssentrum hou Basaar, 14 Februarie.

GKSA NUUS

Beroepe ontvang

- Ds HFR (Riekert) Pelser van GK Kemptonpark na GK Delmas.
- Ds JPL (Vickus) van Jaarsveld van GK Krugersdorp-Wes / Magaliesburg na GK Vryburg

BAIE DANKIE AAN ONSBORG VAN DIE WEEK!



Potch DRUM SERVICES
DROMDIENSTE

**SLEGS R85 P/MAAND
ONLY R85 P/MONTH**

**TUINVULLIS VERWYDERING
GARDEN REFUSE REMOVAL**

Dienste per week sluit in:

- Leeg maak van drom
- Drie swartsakke
- OF slegs vyf swartsakke (GEEN drom)

PENSIONARISSE

25% afslag!!

Services per week includes

- Emptying of drum
- Three refuse bags
- OR five refuse bags only (NO drum)

PENSIONERS

25% discount!!



MARINUS 071 369 7866



SUSTERS

"'N KNAP VROU IS BAIE WERD, BAIE MEER AS EDELSTENE." –
SPREUK 31

SUSTERS: ELEKTRONIESE INBETALINGS

Liewe suster, om dit vir jou makliker te maak kan jy gerus die "Zapper App" aflaai en dan hierdie QR-simboolkode vir elektroniese inbetalings aan die Susters gebruik. Dui asb net vir ons aan waarvoor jy bydra: Jaarlikse sustersbydrae / Blikkies-warmharte / Kansa / Donasies.



TEESKINK-GELEENTHEID



Tee, koffie en sap word vandag na die oggenddiens in die Skuur bedien.
Baie dankie aan groepsusters en hul groepe wat vandag hiermee help:
Ansie Jordaan en groep 3, Marietjie Riekert en groep 11, Mariana Plotz en groep 21,
asook Anelle Venter en groep 29.

BLIKKIES-WARMHARTE



Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan. Bring gerus vir ons daardie kleingeld wat julle in grendeltyd opgegaar het vir hierdie fonds.
Baie dankie vir julle getroue bydraes!

SUSTERSAANTREK

Gereformeerde Kerk, Koster, se susters nooi ons na hierdie jaar se
Sustersaantrek, Saterdag 8 Maart, te GK Koster.
Ontvangs en koffie: 08:45 - 09:30
Kostes: R130 p/p
Spreker: Estè Geldenhuys "Jy is 'n lewende brief"
RSVP teen 28 Februarie - besprekingslys in voorportaal van die Skuur.



KWARTAALPROGRAM

EERSTE KWARTAAL

DATUM	DAG	TYD	WIE	WAT
18-Feb	Dinsdag	18:30	A	Sustersamekoms
1 Maart	Saterdag		Bestuur	Gemeente-leier funksie
7 Maart	Vrydag	17:00 - 18:00	D	Wegneemetes
8 Maart	Saterdag	08:00	Lys van susters	Sustersaamtrek: GK Koster
9 Maart	Sondag	09:30	Alle susters	Belydenisaflegging
9 Maart	Sondag	18:30	C	Ouderlingverversings
16 Maart	Sondag	12:00	A	Nagmaalete



BENODIG



Ons herinner u dat ons skoonmaker by die kerk, Liesbet, 3 jong kinders ekstra in haar huis het na haar suster se skielike afsterwe.

Die kinders benodig voortdurend klere en skoene, indien iemand dalk tweedehandse klere/skoene het om te skenk:

Seuntjies: 4 jaar en 10 jaar

Dogtertjies: 9 jaar en 12 jaar



Oosdoppertjie-Jeughediening

1. Erediens Kinderblad

Ons kinders se deelname aan die erediens is belangrik. Ons dink aan die Here Jesus se uitnodiging: Laat die kindertjies na My toe kom! Die erediens is 'n ontmoeting tussen God en sy volk en ons kinders is net soveel deel van hierdie ontmoeting as ons volwassenes.

Om egter vir ons kinders hierdie ontmoeting so sinvol as moontlik op hulle vlak van verstaan te maak, gee ons tydens die skoolkwartaal 'n Kinderblad uit. Dit is voor die erediens in die voorportaal beskikbaar. Daar is ook inkleurpotlode en knipborde beskikbaar. Hierdie kinderblad bied aktiwiteite wat die kinders tydens elke element van die erediens kan voltooi. Ouers kan die kinders begelei oor hoe om dit te voltooi. Die hoop is dat die blaadjie ons kinders sal laat groei in hul geloof en verhouding met ons Here.

2. Bediening vir voorskoolse jeug tydens erediens

Gedurende die skoolkwartaal bied ons vir die voorskoolse jeug 'n georganiseerde program aan, terwyl Woordverkondiging plaasvind. Die kleuterbediening vind plaas deur 'n lesie wat op die kleuters se vlak aangebied word, asook speletjies, samesang en gebed. Kleuters van 3jr tot Gr R is welkom om by ons aan te sluit. Enigiemand wat die behoefte het om betrokke te raak by kleuterbediening, is welkom om Tineke te kontak.

Kontakpersoon: Tineke van Rooyen (084 657 1019)



ALGEMENE INLIGTING

LIEFDEGAWES VIR BARMHARTIGHEID (DIAKONIE)

Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.

KONTAKBESONDERHEDE

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

Ds. Daan Bakker - 082 829 8456

Kerkkantoor: Adele – 018 290 7690 / 082 532 8658 / kerkkantoor@oosdoppers.co.za

Koster: Dawie v Zyl – 082 774 7936

BANKBESONDERHEDE

Geref. Kerk Potchefstroom-Oos
ABSA Bank
Tjekrek: 670 340 066
Takkode: 632-005

Diakonie
ABSA Bank
Tjekrek: 670 280 160
Takkode: 632-005

Susters (Nuwe rek)
FNB
Tjekrek: 631 043 29130
Takkode: 250 655

SOSIALE MEDIA

WhatsApp: 067 713 2332

Facebook: www.facebook.com/oosdoppers

Webblad: www.oosdoppers.co.za

Erediens videobank: <http://ow.ly/ivfZ309vsdc>

Intydse erediensuitsendings op YouTube by: Oos-Doppers Potch